

DIVINA ADFULGENTE GRATIA
DE
ANTIQUITATE
ET SITU GENTIS
SVEONICÆ

Dissertatio Academica

Quam

Amplissima consentiente Faculta-
te Philosophica in Regia Svionum
Upsala

P R A E S I D E

Viro Clarissimo

Eloquent: Profess: Ord:

P E T R O L a g e r l ö ö f f i

*Publico candidorum examini modeste
submitit*

J O H A N N E S M. T A G E R.
Stockholmiensis

In Auditorio Gustav: Majori ad diem
17. Junij Anno virgin: partus 1689.

U P S A L I S,

Excudebat **H E N R I C U S Keyser, S.S.M.**
& Acad: Typographus

S.^a R.^a M.^{tis}
Maxima Fidei Viro
SENATORI ac CONSILIARIO
Ut Et
Serenissimi Hereditarij Principis
GÜBERNATORI
Academiæq; Carolinæ Cancellarii
Excellentissimo ac Illustris-
simo DOMINO,
D_n ERICO
Lindstföld
Comiti de Staf-Sundh
Lib: Baroni in Lindewadh
Domino in Breewijk/Klache
borg. &c. &c.
Mæcenati Summo

Venerabundus
offerò ac
Dedico

Illustrissime Comes ac
D O M I N E

Ignosce quod exili actenui
huic Academicō specimini, splendidi-
ssimum Tuum nomen ausus sim præmit-
tere, atque sic juvenili conatum meo ma-
gnam lucem conciliare. Fecit hanc mi-
hi fiduciam incomparabilis Tua huma-
nitas, ^{Dicitur in libro de} que tot literarum alumnos ad
tuam

Tuam implorandum gratiam quotidie
irritat. Nihil autem magis votis ex-
peto, quam ut haec, qua ad pedes Tuos
deferuntur. benigna manu ac mente
excipere digneris, & qua levi penisilla
de Antiquitate & Situ Gentis Sveo-
nica depicta sunt, indulgenti oculo in-
tueri. Profiteor enim me futurum quam-
diu vixero,

Illustrissimo Nomiini Tuo.

Devotissimum Clientem
Johan Jäger.

Plurimum Reverendo
Præclarissimo D O M I N O .
M. JOHANNI
VULTEJO,

Ecclesiæ Holmensis, quæ Rid-
derholmen appellatur, Pastori Vigie-
lantissimo, Promotori ac Benefa-
ctori, omni cultus ac honoris
generc observando,

Academicum hoc exercitium, rudi-
pietatis ac observan-

Consultissimo ac Amplissimo
D O M I N O .
D:N PETRO
SÆAELING/

Curiæ Holmensium Senatori,
Cameræque Civitatis Præsidi dex-
tertimo, Fautori plurimum
Honorando.

minerva concinnatum, in tesseram
tie

Offert & Dedicat:
Johannes Jäger.



J. N. J.

CAPUT PRIUS.

*De Antiquitate Gentis
Sueonicæ.*



Errarum hunc
tub septentrioni-
bus tractum, quē
nunc Sveones
Gothique habi-
tant, antiquissi-
mis temporibus
cultum fuisse, ac
frequentem inco-
lis, multa sunt, quae arguant. Ego in
specimen aliquod ingenii, pro Solenni
Academicæ juventutis consuetudine, pauca
tantum colligam, atque delibabo ex ijs,
quæ eruditæ viri prolixius nostro præci-
pue tempore hac de re editis literarum
monumentis differuerunt.

Primum autem antiquitatis argu-
mentum petimus ab ipsis nominibus, qui-
bus a vetustissimis scriptoribus celebratur
gens nostra. Ex ijs enim recte conjici-
mus, terram hanc antiquis non cogni-

A

tam

2
tam modo fuisse, sed veteres ejus incolas quoque fama tum fortitudinis, tum pietatis atque sapientiae inclytos fuisse. Et primo quidem tese offert nobis decantata illa tantopere Hyperboreorum appellatio; quae licet apud antiquos scriptores, inconstanter satis atque varie, nunc huic, nunc illi genti tribuatur, atque nunc Asia ad scribatur populis, nunc Europæ, quando tamen comparantur ea inter se omnia, quæ antiqui de Hyperboreis predicarunt, animadvertemus, vix ullis magis hominibus, quam antiquissimis patriæ nostræ habitatoribus convenire. Insignis est locus Diodori Siculi, qui a beata celeberrimæque memoriæ Viro: Olao Verelio adfertur in notis ad Historiam Gothrici. pag. 41. Ibi, autem omnia, quæ commemorantur de cultu Apollinis, de luce Magnifice, de templo insigni, de commerciis cum Cræcis, de circuitu novendecim annorum, quem aliqui magnum annum nuncupant, de luna propinquiori aspectu, de canticis & choreis, omnia, inquam, hæc talia sunt ut Antiquissimarum Gentium septentrionalium institutis, religioni peregrinationibus, Astronomicæ peritiae, atque temporum computo mire convenient. Nam Apollinem, hoc est solem, hic præaliis Diis præcipua veneratione ac rever-

ten-

tentia cultum fuisse, tam notum est ex omnibus vetustatis nostræ monumentis, ut probatione non indigeat. Certe Odinus ille, cuius nomen antiquissimis majoribus nostris, tam sanctum ac venerabile fuit, non aliud videtur fuisse; quam sol inque ea sententia fuit Accutissimus Vir Georgius Stiernhielmius, ut docet laudatus antea Verelius in notis ad Historiam Gothrici. Certe verba illa, quæ instar clavis sunt. Comperi nostri Runici, quæque ingeniose in illo loco explicantur, Odini heter Hæstar; i (Φ) helgbunden / id ipsum clare evincunt. Namque illorum verborum sensum non alium esse ostendit eruditissimus vir, quam solem absoluto novendecim annorum cursu equos suos pabulo resicere. Cyclum enim istum novendecim annorum, appellatum aliquibus magnum annum, fuisse priscis temporibus in hoc orbe nostro cognitum, quemadmodum multa alia, quæ ad Astronomiæ ac siderum notitiam pertinent etiam, infra, præeuntibus doctorum vitorum testimonij, conabimur probare. Nunc vero revertamur ad cultum Apollinis, quem diximus olim in hoc septentrione tam magnum fuisse atque illustrem, ut videantur etiam alia gentes, adeoque ipsi Græci, non aliunde eum

A 2

hau-

hausisse. Crebra certe apud vetustos Græcorum scriptores est mentio Apollinis Hyperborei atq; ipse Cicero libris inde natura Deorum commemorat Apollinem ab Hyperboreis venisse. Non jam attin goea, quæ de ipsa nominis origine ingeniola in commentariis de Atlantica disserit Celeberrimus Rudbeckius, ipsa cul tus ratio, ipsaque varia illa & multiplex de artibus ac officiis Appollonis Mythologia, & cum Græcorum fabulis consentiens antiquorum Sveonum Poësis, redolent hoc ipsum, quod antea adfirmavimus, a hoc septentrione nostro, si non omnia isthæc certe pleraque profecta fuisse ad alios populos. Neque obstat, quod ab Adamo Bremensi dicatur Odinus fuisse Deus armatus, qui habitus potius convenit Marti, quam, soli ac Appollini. Nam cum in hac Scandinavia nostra per tria annorum millia, ut putabat Mælenius, duraverit idololatria, non mirum si & ejus non eadem semper fuerit facies, sed varias gentilis isthæc Theologia, & de diis fictitiis opinio subiverit vicissitudines. Idque Odini cultui atque nomini evenisse admodum est verisimile. Observatum hoc est ab Eruditissimo Verelio, in notis ad Gothrici Historiam, ubi p. 43. Sic loquitur. *Præsa hac Theologia, de Odino*

5

dino sive sole, Odini magi istius Asiatici adventu in hac borealia, non obscurata tantum, sed in totum extincta fuit. Regi quippe Sveonie Gylvoni per illustrationem persuasit se unicum mortalibus numenadandum, nomine & personis trinum. Quid quod etiam aliarum Gentium Theologis Mars, non aliud quam sol fuerit, ut in eodem loco ex Vossio docet Verelius.

Quod deinde a Diodoro commemoratur de insigni templo atque luco Magnifico, non multum abhorret ab ijs, quæ de antiquo & in Scandinavia nostra celeberrimo Templo Upsaliensi, eique vicino luco narrat Adamus Bremensis. Dicit enim in Chronographia Scandinaviæ, templum illud totum, ex auro pavatum fuisse, & mox hoc addit de luco qui templo erat proximus, is tam sacer erat gentilibus, ut singulae arbores ejus ex morte vel tabo immolatum, divina credantur. Quod confirmat etiam vetus Chronicon Svetica lingua conscriptum his verbis: *Hwar then Onvist i Lundē war trodde the Helig wara.* Illud vero nullam habet difficultatem, quod Diodorus templum hoc dicat forma fuisse rotunda cum tamen ij, qui describunt nobis antiquum templum Upsalense, indigitant illud quadratum

fu-

fuisse. Fuit enim hoc templum spoliatum saepius, atque saepius etiam resectum. Postquamque in ipsis mutationibus, quas tanto temporum intervallo subiit, etiam formam mutare.

Pari ratione cætera quæ Diodorus prodidit memoriæ de Hyperboreis, ut de propiori lunæ aspectu, familia Boreæ, dum, & quæ sunt alia optime convenient cum Scandinaviæ nostræ positu & præcœ historiæ Arctœ reliquiis. Ut enim luna adpareat in hac plaga nostra major atque splendidior, quam in Græcia vel Italia, facit noctium in his terris serenitas, & crepuscula longiora. De Boreadum regnatrice familia accuratius agit Georgius Scierhielmius in dissertatione sua de Hyperboreis, ut & de aliis argumentis pluribus quibus ostenditur, Diodori Hyperboreos, vix alios fuisse, quam incolas priscos magnæ hujus peninsulæ, quæ Scandinavia olim tota dicta est. Ego itaque nunc adjiciam pauca e Pomponio Mela de Hyperboreis, unde etiam erit manifestum, omnia optime ad has terras septentrionales, earumque antiquos habitatores, referri posse, quæ de Hyperboreis vetus fama perhibuit. Narrat ergo Pomponius libro tertio talia: In Asiatico

tuttore primi Hyperborei super aquilonem Riphæ osque montes, sub ipso syderum cardine jacent, ubi sol non quotidie, ut nobis, sed primum verno æquinoctio exortus, autumnali demum occidit. Et ideo sex mensibus dies, & totidem alii nox usque continua est. Terra Augusta, aprica, per se fertilis, cultores justissimi & diutius quam ulti mortalium & beatius vivunt. Quippe semper otio leti non bella novere, non jurgia: sacræ operati maxime Appollinis: quoram primitias Delon missæ initio per virgines suas, deinde per populos, subinde tradentes ulterioribus, moremque quādiu & donec vitio gentium temeratus est, servasse referuntur. Habitant lucos sylvæque, & ubi eos vivendi satietas magis quantitudinē cepit, hilares redimunt fertis semetipsi in pelagus ex certa rupe præcipites dant.

Primum in Asiatico litorie, ad mare nimirum glaciale collocat Mela Hyperboreos, quod videtur sententiæ nostræ obstare. Ceterum antea indigitavimus, septentrionalium locorum, quo ad verum situm admodum ignaros fuisse veteres Geographos, quam plurimos, unde orta est illa diversitas Hyperboreos nunc in Europa, nunc in Asia statuentium. Quid quod quemadmodum Sarmatia est Asia contermina, ita quoque Scandia, in tractu maxime Boreali Asie cohaeret: ut me docuit

docuit Sheringamus in doctissima discep-
tatione de Anglorum Gentis origine.
p. 341. his verbis. Carelia enim sive Scandia
dorsum ad Hyperboreas Scythia Asiatica partes
adjacet. Itaque videtur inde factum esse,
ut Scandiæ maxime Borealis incolæ nunc
Asia adscribantur ab antiquis, nunc Eu-
ropæ, sive ob utriusque regionis in illo
tractu confinia, sive ob morum similitu-
dinem, quæ in gentibus septentrionalibus
tam Asia quam Europæ, hodie quoque
non exigua cernitur. Notandum autem est
Melam hic partes Scandinaviae, maxime
ad Boream atq; cardinem mundi tendentes
respexisse, idque propterea, quod existi-
marint veteres tractus hos Boreales ultra
sinum Balticum sitos, eandem fere faci-
em, eandemque ubique per omnes sui
partes habere naturam atque indolem. I-
taque toti peninsulae nostræ tribuit seme-
stres dies noctesque. Non alia ratione at-
que hodie solent fama ferri de omnibus
Indiæ atque Americæ populis, ea quæ de
paucis tantum atque uno fortassis credi
atque dici debent. Hæc causa est, cur
ad mare glaciale Hyperboreos ponat, cum
maxima illorum atque præcipua pars ab
isto mari sit remotior versus Austrum.

Dicit deinde Mela eos super aquilonem
sigue Riphæos montes jacere Aquilonis atque

Boreæ certos terminos, unde oriatur at-
que incipiat. Statuerunt antiqui, non
tanien in ea re plane consentiunt; sed ut
in veteri Geographia multa alia fluxa at-
que vaga sunt, ita quoque hæc aquilonis
atque Boreæ initia. Alii enim videntur
Boreæ limites non ultra Thraciam pro-
tulisse, unde ipsis, quicquid hominum
ultra Thraciam versus septentrionem de-
gebat, nomine Hyperboreorum appella-
batur. Alii vero, &, nisi fallor, ac-
curatiores & fide digniores, aquilonis at-
que Boreæ nomine concipiebant omnes
tractus magis septentrionales totius con-
tinentis terræ, quæ interjecta est inter
mare mediterraneum & sinum Balthicum;
quicquid autem ultra esset illud appel-
labant Hyperboreum; Quæ ratio quoque
est, cur nobis magis isthæc appellatio
conveniat, quam vel Sarmatis vel Ger-
manis; quamvis non negemus, utrosque
passim apud veteres appellari Hyperboreos.

Utitur autem Pomponius Mela par-
ticula super, quæ, uti observat Celeber-
tius Vossius in notis ad hunc auctorem,
eadem ratione adhibebatur. à Latinis in
descriptione locorum, atque ὁρμη a
Græcis. Utrumque enim solet accipi
de loco versus septentrionem, idque ob
eam causam, quam illuc adiicit vir eru-
ditus

ditissimus ; quia scilicet existimabat antiquitas , Borealis orbis partes sublimiores atque altiores esse reliquis. Hinc superos appellabant. Dum ergo scribit Mela Hyperboreos super aquilonem ac Riphæos montes habitare , nihil aliud intelligit, quam magis versus septentrionem sitos esse.

De Riphæis montibus magna est inter Geographos tam veteres quam recentiores dissensio . Non desunt quoque , qui plane fabulosos esse existiment. Ego ergo secutus aliorum hac de re sententiam , arbitror , multa quidem de situ atque magnitudine montium horum fabulatos fuisse veteres , interim tamen existere omnino aliquos montes , qui dederint istis omnibus fabulis ac narrationibus locum atque originem , cum autem in tota septentrionis plaga nulli reperiantur montes , quibus omnia ista , quæ de Riphæis montibus memorantur proprius convenient , quam illi ipsi , qui totam fere peninsula nostram perpetuo quodam dorso secant , atque in duas veluti dispeſcent partes : ideo eo quoque libens inclino , ut cum Celeberrimis Viris credam Riphæos atque Hyperboreos montes esse eosipos , qui Sveciam ac Norvegiam se-

separant , atque ultra etiam versus septentrionem usque , ad glacialis maris littora procurrunt. Idque etiam non pa- rum facit ad confirmandam opinionem nostram de situ Hyperboreorum intra limites antiquæ Scandinavie nostræ. Aliqua quæ sequuntur de bellorum atque jurgiorum absentia apud Hyperboreos , licet hodie non convenient , potuerunt tamen olim convenire. Sed & hodie convenienter optime , si de Lapponibus intelligamus , quibus nulla nisi in feras arma iunt , & apud quos lites ac controversiae istæ ignotæ , ut etiam Celeberrimus Schefferus in descriptione Lapponiæ commemorat. Controversias rarisimas existe-re , cum vitia graviora , furtæ ; rapina , cædes , adulteria , & id genus apud Lappos fere sint ignota , nec es alienum sumat quisquam , aut offerat , dum suis rebus singuli vivunt contenti , que præcipue sunt causa controversiarum , quibus foras omnia per ceteras gentes replentur.

Quod vero narrat Mela , eos , quos vivendi ceperat latietas , certa rupe fæse præcipitasse , id cum antiquis nostris historiis mire convenit. Atque in primis luc faciunt ea , quæ perhibentur in historia Gothrici , de gentilitio calmine , dicto attenieslapa / sive attstapulen

cap. I. & Gyllings Hammar in cap: sequenti unde Scarpnatiungerus una cum uxore atque servo magna cum hilaritate sese dedit præcipitem. Legi autem merentur, quæ ad eum locum de Hyperboreis adnotavit Celeberrimus Verelius, & quæ postmodum hac de re differuit experientissimus Rudbeckius in operis illustris de Atlantica cap. 9 ubi pleraque eorum, quæ à me non nisi breviter in præcedentibus paginis excerpta sunt, multo uberius exponuntur. Nunc vero pauca tantum colligam loca veterum de Hyperboreis, quæ ab eruditissimis illis viris tacta esse atque adducta non animadverti. Et in primis memorandus mihi est Pindarus, qui non una vice in carminibus, quæ supersunt, Hyperboreorum mentionem facit. Ita autem de ijs canit grandiloquus ille Poëta, ut manifestum sit, certitudinem ac veritatem Geographicam ab eo non fuisse observatam; nam ut notat doctissimus ejus commentator, atque interpres Schmidius, Hyperboreos in Olymp: Ode tertia collocat ad caput Istri, quod certa fictione ultra Riphæos montes concipiebat, quem admodum etiam Schmidius Poëtæ mentem explicat. Neque autem valde mirum, si Istri caput

tam

tam longinquum esse Poëta sibi imaginatus fuerit, cum etiā origo maximis istius fluminisq; ipsiis quidē Philosophis posterioribus temporibus fuerit cognita atq; explorata; ut vel ipsis Aristotelis exemplo probari potest. Itaque licet Geographica certitudo de Hyperboreorum situ non possit haberi à Pindaro, qui ipse etiam alibi putat viam ad Hyperboreos, plane fuisse obstructam, uti observavit quoque Celeberrimus Rudbeckius; interim tamen ea, quæ prædicat Pindarus magnifice de Hyperboreis, talia sunt ut vix alij genti versus septentrionem sitæ, quam antiquæ Scandicæ convenient. Nam & Apollinis eos cultores appellat, & a multis quoque minime alienos ostendit tum etiam ob sapientiam, justitiam ac morum sanctitatem beatos pronuntiat quæ encomia priscis Scandinaviæ incolis magnopere competere omnes fatentur. Versus quoque Pherenici antiqui Poëtæ, qui adducuntur à Scholiaste Pindari, digni sunt, qui hic considerentur; nam in ijs fit mentio templi Apollinis, sub quo Hyperboreos habitare facit. Antea vero dictum est in toto septentrione vix aliud templum memorari apud veteres scriptores, quam celeberrimum illud quod

Upla-

Upsalce olim fuit. Videtur etiam mentionem fecisse Pherenicus luci, quem prope templum fuisse, antea quoq; observavimus. Quod ut melius intelligatur, adscribam hic ejus versus, pro ut a magno viro, Iacco Vossio emendatores adferuntur in notis ad Pomponium Melam.

Αὐτὸν ὑπερβόρεων οἴτη ἐκαλεῖτο γενεσίου
Ναοῦ τοῦ Ἀπόλλωνος ἀπειρηνῆ πόλεμοι
Τοὺς μὲν ἄρχες περέτερων εξάμινας
ιμπνύγοι
Τιτάνους Κλασσῶντας ὑπὸ δρόμον αιθρίαντα
Ναοσαδός Βορεοῦ γῆν ἔτει.

In secundo versu meminit templi Appollinei, de quo jam s̄apius dictam est. In quarto autem versu pro δρόμον non male legi posse existimat δρύμον Praeses meus, atq; sic verbum horum hic ferme erit sensus. Tum etiam de Hyperboreis dicam, qui ultimi omnium habitant.

Sub ipsum Apollonis templum, belli expertes

Quos certe de prisorum Titanum
Sangvine oriundos prædican
Sub nemore illustri ac subdiali
Habitare agrum borealem &c.

Videmus ergo post templum Appollinis memorari hic nemus illustre, h.e. in apico

prico atque edito loco situm ; & adjici etiam illud , incolas oriundos à prisca Titaniis, quod non parum ad gentis antiquitatem firmandam facit. Ad Titanum enim tempora referebatur a Græcis, quicquid antiquissimum ducebatur. Illud autem ὑμνίζεται nescio quam videtur occultare allusionem , ad consuetudinem majorum nostrorum, qui antiquos Heros suos carminibus atque cantu celebrare solebant, & tam originem illorum, quam res præclare gestas laudibus extollere ac posteritati commendare.

Inter alia autem veterum loca, quæ de Hyperboreis agunt , præcipue considerari merentur, ille Apollonij Rhodij lib. 4. versu 611. ubi postquam de eletri guttis locutus fuisset poëta, sic de eorum origine canit, idque ex traditione Celtarum.

Χελῶι δὲ τῷ βάζῳ εθέντε
Ωστὸν ἄπολλωνος θεοῦ δακρυα λησίδας
Εμφερεῖα διάτις, ἀπεινετα χένε παροιέτε
Ἡμίτονος ὑπερβόρεων ιερὸν γενέτοντα

Quos versus ita latine reddit Johannes
Hartungus

Galli vero famam vulgarunt

Quod

Quod Apollinis istæ lacrymæ Latoidæ
Inferantur vorticibus , quas nimirum

Innumeras fundebat olim.

Quando Hyperboreorum sacram gentem
accessit, Manifeste hic succini generatio-
nem innuit fieri apud Hyperboreos, cum
autem in toto septentrionis circuitu, nus-
quam vel olim vel nunc sciamus reper-
tum fuisse nobilissimum istud naturæ
germen, præterquam in mari Balthico,
& in aquis terrisque ijs, quæ mari Bal-
thico cohærent atque adjacent, non po-
tuit aliud populum sub appellatione ista
intellexisse Apollonius, quam maris Bal-
thici præcipios olim accolas atqye domi-
nos, habitatores nimirum veteris Scandi-
dinaviae. Illud autem etiam exinde vi-
detur confirmari posse , quod indigiter
poëta celeberrimus fabulam illam de la-
crys Apollinis fuisse profectam à Celtis;
ad quos videlicet trans mare Balticum ex
propinquo multa manare poterant de
institutis, de Sacris, de moribus, de con-
ditione atque opibus gentis hujus septen-
trionalis.

Illud autem prorsus insigne est, quod
Apollonius nuncupat Hyperboreos Ἱερον
Ἥβη, hoc est, gentem sacram. Quo
titulo eam Pindarus quoque ornavit. Pu-
tat

tat vero, illustris Vossius in notis ad Pom-
ponium Melam propterea Hyperboreos
facros appellari, quod Apollinem sancte
admodum coluerint. Fortassis tamen non
absurde quis dixerit, gentem sacram ap-
pellatam fuisse, vel ob antiquitatem, quod
ex prisca Titanibus oriunda putaretur, vel
etiam quod ob justitiam, probitatem ac
candorem, virtutesque reliquas, fuerit præ-
cipua Græcis hominibus venerationi.

Licet vero non pauca reperiantur a-
pud antiquos scriptores, quæ huic sententiae
de Hyperboreis videntur officere; interim
tamen nullus forte locus est, qui æque
obstare nobis videtur, atque ille Strabonis,
qui lib. undecimo legitur, cujusque ver-
ba ita sonant ex interpretatione Xylandri.
Veteres Græcorum scriptores, universas gentes se-
ptentrionales Schytharum & Celto Scytharum no-
mine affecerunt, iis autem antiquiores ita di-
serunt eas, ut qui supra Euxinum, Istrum & A-
driam incolerent, eos omnes Hyperboreos, Sauro-
matas, & Arimaspes appellarent &c. Sed
tamen si recte hic locus expenditur nihil
habet, quod nobis magnopere adversetur.
Agit enim Strabo ibi de generaliore tam
Scytharum quam Hyperboreorum ap-
pellatione, atque eo sensu non inficiamus
ab antiquis Scriptoribus non modo Græ-
cis

cis sed etiam Latinis plurimis populis attributam fuisse, ut Sarmatis, Celtis, h. e. Gallicis, Germanis, atque Belgis, imo etiam Britannis. Sed fuit alia multo strictior Hyperborei nominis significatio, qua gentem unam & quidem sacram, situ, moribus, cultu atq; institutis differentem a ceteris populis, antiqui scriptores indigitabant. Certe fuisse peculiarem aliquando & angustiorem sensum hujus vocbuli, argui cum aliunde potest, tum etiam ex verbis hisce Maximi Tyrii, in dissertatione prima, ubi agit de Deo. *Quod si concionem cogas, omnesque simul artes uno decreto convenire jubes ac de Deo ex iis queras; putas ne aliud pictorem, aliud statuarium, aliud poëtam, aliud dicturum esse Philosophum? imo ne Scytha quidem & Gracis & Persa & Hyperboreus.* Hac, inquam, verba innuunt satis in angustiori significacione tam Scytharum quam Hyperboreorum appellationem usurpari, quam ut sub utraq; multis, populos regionum longissimo spatio, & lingvarum ac morum diversiis distantes, debeamus concipere. Sed & alia sunt, quae idem evincant, ut cum antiqui fabulantur de itinere Apollinis ad Hyperboreos, item cum loquuntur de arbitris eorum, de illorum cultu atque sapientia, non possunt ea intellexisse de

omni-

omnibus ilis populis qui supra Euxinum, Istrum & Adriam habitabant, sed de gente aliqua in unam regionem atque plagam telluris magis collecta & peculiari nomine discreta a reliquis.

Quin & illi ex antiquis, qui veras Hyperboreorum fides investigarunt, non generaliorem istam significationem, verum particularem hanc respexerunt. Itaque Hecataeus ille Milesius Historicorum antiquissimus, qui de Hyperboreis scripto aliquia consignavit, ut testatur Apoloni Scholiastes, appellat vero *τεθόρης Ιπποτας*, quam gentem dicit usque ad sua tempora extitisse. Et Posidonius credit eos habitare ad Alpes montes Italiae; quæ opinio inde fortassis orta est, quod Alpium nominis origo, ab hoc septentrione profecta fuerit, ut me docuit Celeberrimus Rudbeckius in Atlantica: & nisi valde fallor idem nomen Adamus Bremensis indit montibus nostris septentrionalibus. Mnaseus autem, qui existimavit Hyperboreos delphos esse, sine dubio eo adductus erat a fama, de origine Latona atque Apollinis Hyperborea, de qua Diodorus Siculus in loco ante citato agit. Notum enim est, quam inclytum fuerit olim Delphis Apollinis templum atque oraculum.

Postquam ergo negari existimo posse
a nomine, Hyperboreorum appellationem
in sensu minus vago, magisque particula-
ri ab antiquissimis scriptoribus poni at-
que usurpari, pro certa aliqua gente, etiam
illud existimo eruditissimorum virorum,
quos sequor lucubrationibus concessum
iri, istam nuncupationem, vix ullis inton-
to septentrione sedibus magis convenire,
quam his se nostris: argumenta autem, qui-
bus in præcedentibus hoc ipsum ostendere
conatus sum, ad hæc quatuor reduci præ-
cipue possunt. 1. Quod apud Hyperbo-
reos fuerit templum Apollonis. 2. Quod
in eorum terris emineant insignes montes
Riphæi nempe atque Hyperborei.
3. Quod sapientia & carminum atque
Musices studio fuerint dediti. Et 4.
quod apud eos generetur succinum vel e-
lestrum. Hæc autem quatuor, si quis
meliori jure vindicare poterit alteri ali-
cui per tractus septentrionis populo, quam
hinc nostro, ego quoque libentissime me
informari patiar, & in aliam sententiam
ultra pedibus tranibo.

Similia antiquitatis argumenta duci
possent, ab aliis etiam verutis nomini-
bus, quibus Græci atque Romani scri-
ptores, hanc peninsulam nostram olim
cele-

celebrarunt, quæque partim pridem, par-
tim nuperius aslerta sunt, his Sveonum
atque Gothorum sedibus; ut sunt Thule,
Ogygia, Atlantica &c. Sed ne juvenili
hoc specimine nimia complectar, hoc ca-
put jam claudio, adducturus in capite se-
quenti, alia quædam argumenta, quæ pro
gentis nostræ antiquitate militare vi-
dentur.

CAPUT POSTERIUS.

De situ Gentis Sveonicæ.

Proximum argumentum ducere pote-
rimus à situ ipso Skandinavia. Scio
quam plurimis videri rem absurdam
atque rationi incongruam, ut homines a-
liqui, primis post diluvium seculis, cum
iis offerrent tele tot aliae regiones & ma-
gis propinquæ, & magis amicæ, in has
tamen terras septentrionales tam remotas,
tamque horridas penetrare voluerint. Ut
itaque ostendatur hujus terra, quo ad
coeli solique positum, eas dotes esse, eamq;
indolem ut & invitare homines huc
potuerit & postquam advenerant, reti-
nere. Considerandum est primo, postq;
fatali isthac inundatione Tellus fuisse
obruta, multo aliam tum regionum fuisse
faci-

faciem, quam quæ postmodum mortali-
um cultu, labore atque operibus inventa
est. Notabilia sunt verba Celebrissimi
Verelij in nobis ad Herwaria Ega cap. i. p. 7.
Juxta & eorum displicet sententia, qui ceteris orbis
partibus amoenioribus occupatis, desierenteque in-
colis solo, horridorem hanc plagam demum in-
fissam arbitrabantur. Credo satis horridam in-
culti soli faciem ubique fuisse, licet unus præ a-
lio locus cultura aptior, & cœlum alibi mitius,
alibi asperius: ut propterea soli amoenioris invi-
tamentum unica haberi causa nequeat, cur hic
loewus præ alio prius occupatus fuisse dicatur. Non
satis valida proinde C. Taciti est ratio Ger-
manos ideo indigenas existimantis, quod ex a-
mœnioribus in hac aspera & horrida pervenire
nequivissent. Non ausim ego quidem ire
in sententiam doctissimi viri T. Burnetij,
qui in dissertatione sua de Theoria Tell-
uris sacra atque profana. Existimat su-
perficiem totius terræ per diluvium disru-
ptam fuisse, atque collapsam; & inde
extitisse montes, colles, atque inæquali-
tates alias, quæ vel in arida telluris
parte, vel etiam in oceani atque marium
alveo sunt: interim tamen illud pro cer-
to adfirmaverim, per inundationem illa-
mam universalem ita deformata fuisse o-
mnia orbis loca, etiam ea, quæ antea cul-

ta fuerant, ut vix tum singularis aliqua
ameenicas unius regionis præ altera de-
prehendi potuerit. Cultus ergo atque
labor humanus requirebatur, antequam
diversi habitabiles tractus terrarum eum
vultum induerunt, quo nunc nostro tem-
pore commendantur. Certe neque Italia,
neque Gallia neque Germania priscis
temporibus ea fertilitate, iisque soli de-
liciis atque illecebris gaudebant, Quibus
nunc gaudent. Idque constare potest ex
iis istarum terrarum descriptionibns, quæ
adhuc apud veteres scriptores supersunt.
Neque modo terræ ipsius superficies at-
trectatione atque laboribus hominum fit
pulchrior & feracior; sed & ipse aër
quoque aliqua ratione per hominum fer-
quentiam mitior redditur atque clemen-
tior, ut non uno exemplo me docuit vir
in Geographica peritia summus Isaacus
Vossius.

Ex his, quæ jam præmisimus, ad-
paret, irritum esse illorum argumentum,
qui de Antiquitate Gentis alicujus, &
bonitate atque amoenitate soli, quod in-
colit, judicare volunt. Cum ante homi-
num adventum regiones illam amoenita-
tem præ se non tulerint, quam nunc præ
se ferunt. Itaque aliae sine dubio fuerunt
causa.

24

causæ, quæ huc atque illuc per orbem disperserunt homines. Licet vero difficile admodum sit determinare, quænam vis fuerit atque ratio, quæ priscis illis mortalibus persuaserit, ut in has potius terras migrarent, quam in alias; utque familiæ quædam peterent orientem; aliae occidentem, aliae alias orbis plagas. Hoc tamen pro certo possumus statuere, frequentissimam fuisse causam, quæ hominum increcentem multitudinem à mutua vicinia in diversas partes orbis disceperit, injurias, quæ siebant invicem, & mutuum metum, & disiderium securitatis. Quæ quoque sententia est Præclariss. Verelii in eodem loco annotationum ad Hervara *Saga*/ unde paulo ante adduximus aliqua. Itaque primis illis post diluvium seculis, in migrationibus ab una terra in aliam, non tam sestabantur delices, quam ea amplectebantur, quæ sponte sua sese necessitatibus illorum offerebant. Fluminum ergo atque lacuum opportunitatem, tum etiam lignorum, sylvarumque copiam ad arcenda frigora, & venationum, ac aucupiorum commoda, præcipue videntur secuti fuisse. Atque istarum quidem rerum tanta copia abundare Skandinaviam nostram, ut possit

cum

25

eum qvavis regione totius orbis facile certare, jam fere omnes fatentur. Neque praeterendum est argumentum, quo utilitur celeberrimus Pufendorfius, in introductione sua ad Historiam Svecicam, circa ipsum initium; dicit namque stellam, quæ polaris appellatur, quæque sine dubio, priscis illis mortalibus e Scythicis montibus observata fuit, & reliquorum quoque siderum motum, potuisse eos advertere, ut intelligerent exinde, eum locorum septentrionalium situm esse, ut hoc tempore æstatis multa lux & quam longissimi dies existerent. Ideoque & illa quoque ratio potuit eos in hunc septentrionem nostrum magis atque magis paulatim pertrahere.

Neque obstabat longinquitas. Nam si in ultimos Asiae versus orientem tractus, ubi nunc Chinenses habitant, statim post ipsum diluvium penetrare potuerunt homines, quemadmodum factum fuisse annales illorum monstrant, & doctissimi viri contendunt, quidni etiam in hunc septentrionem nostrum pervenire, non longo admodum temporis intervallo homines potuissent, cum ab ea regione, ubi constitit arca, atque ubi vixerunt primi mortales post diluvium, non admodum sit remotus.

D

Verl.

Verisimile autem est secutos fuisse eos, qui huc primi immigrarunt, iter quam brevissimum, per partem aliquam Tartariae, ac Moscoviae in Finnoniam devenisse, atque deinde circuméentes sumum Bothnicum, in Svecia atque Gothia tandem consedisse, ut quidem conjicit nobilissimus Pufendorfius in loco qui nuper est laudatus.

Si autem perpendere omnia vellem, quæ primos patriæ nostræ habitatores huc allicere poterant, & allectos velut injecta amica manu retinere oporterer, ut hic prolixè enarrarem omnia illa commoda, atque omnia illa prospera, quibus hanc Regionem natura rerum beavit. Ut fuit, mira illa locotum varietas, passim silvis ac nemoribus, montibus ac clivis, planis & apri-cis, fluviis & stagnis lœta, & velut de industria distincta; ut humanæ vitae atque justæ frugalitati, non modo nihil defit, sed supersint etiam quam plurima, scatent hic omnia pīcibus, villosis ani-mantibus silvestria repleta sunt; homini-bus fruges, pecoribus pascua suppetunt; Huc accidit illa ab ipso situ securitas atque tutela; quippe Scandinaviam nostram univerlam si contemplamur, peninsula est (antiqui insulam credidere) quæ un-

dique

dique vel Oceani, vel Balthici maris, vel fluminum atque montium objectu est ve-lur totidem muris circumdata. Atque hæc situs ratio conjuncta cum avita gen-tis fortitudine efficit, ut nunquam post hominum memoriam externa aliqua vi capta atque occupata dici possit.

Deinde non spernendum antiquitatis argumentum, quod dicitur ab ipsa quo-que lingva nostra, qua cum vetustissimis etiam de origine certat. Hebreæ valde eam ad finem esse arguunt & numerosa monosyl-laba & primitiva vocabula non pauca, quæ eruditi viri jam indigitarunt in utraque lingva, Hebreæ scilicet atque Svetica, sono & significatione ad prime inter se conve-nire. Sed & cum Græca atq; Persica, tam multa habet lingva nostra communia, ut non dubitant amplius docti viri pronuntia-ri, has lingvas ex communi aliqua radice ac origine tanquam sorores profluisse. Idem judicant eruditi quique de antiqua Celtica.

Præter hæc quando consideramus, quibus artibus atque scientiis floruerit o-lim hæc gens, non potest non fieri, ut sero huic immigraverit, cum artium atque sci-entiarum lumina, poscant tempus, qui-bus paulatim insurgant atque propagan-tur. Ex multis antea indicijs atque mo-

nimentis patet, antiquis temporibus, flos-
ruisse in his locis magnam Religionis
Pompam atque adparatum, adeo ut etiam
nobiliss: Stiernhielmius in Synopsi capitula
Runæ Svecicæ, quæ exhibetur à Clariss:
Morhofvio in dissertatione eruditæ de Poësi
ac Lingva Germanica, non dubitat adle-
xere, ex hac peninsula derivatos in Germaniam,
& diversas orbis terrarum regiones, non solum
populos multos, sed etiam sacra, Ritus & Deos.
Et mox Gracis cum Hyperboreis ab antiquissimis
temporibus communionem fuisse factorum, ami-
citia & mutua necessitudinis, & quod magis est,
Grecoꝝ Deos, coluisse inter maximos apud Hyper-
boreos natos. Quæ omnia latius fusiisque
expoluit in opere suo de Atlantica ex-
perientissimus Rudbeckius.

De immortalitate animæ constantem
atque magnam fuisse in hoc septentrione
olim opinionem evincere possunt vel saxa,
æternum duratura quibus inscriptiones suas
insculperunt; inter quas reperiuntur, quæ
de mortuorum anima tanquam superstite
egregie loquuntur. Atque hæc ipsa præ-
clara Theologiæ pars non modo semper
intra hanc patriam obtinuit; cum cætera
essent gentilitium tenebris occupata; sed
etiam Gothos extra patriam hanc suam
egressos comitata est. Insignis mihi visus
est

est in hanc rem locus Goropii Peccani
Hermathenæ libro quarto. Quoniam sciam
apud Romanos & Gracos nihil constans de animi
immortalitate conservatum teneri; atque inde Go-
thos, de Cimmeriorum stirpe, gentem, vocatos
fuisse, athanaziontas, quod peculiari hac im-
mortalitatis fide, a cætēsis nationibus distin-
gverentur. Hinc Lucanus.

Populi, quos despicit Arctos,
Felices errore suo, quos ille timorū
Maximus haud urget lethi metus: inde ruendi.
In ferrum mens prona viri, animique capaces.
Mortis, & ignari, rediture parcere vita.

Similiter legū Hyperborearum magna
quoque est, & venerationedigna vetultas.
Quoniā autem antiquitatem iis ante omnes
præclare vindicavit Consultissimus atque
Amplissimus Vir Carolus Lundius, ingens
Academiæ nostræ decus, in eruditissimo
opere, quod nuper magno cum omnium
nostrum plausu prodit in lucem, quod-
que Zamolxis inscribitur. Itaque exinde
adducam in hujus rei argumentum verba:
quæ huc eximie faciunt, Leguntur au-
tem circa initium capituli tertii. Ceteri li-
terarum usum Gothicarum in patria nostra ex
eximia magnitudinis saxis paulo post diluvium
erectis evidenter monstrat Johannes Ma-
gnum. Addatur de eodem argumendo lex At-
tentis illius primi, quam exhibet Messenius &
Chri-

Chronicus Johannis Martini, consentientibus etiā
membranis legum patriarcharum antiquissimarum: La-
tam autem esse hanc legem seculo post mundum
conditum decimo octavo, pro certo & probato
sumitur. Multa alia quae ad adstruendam
vetustatem legibus nostris, in Laudatissimo
illo libro differuntur, non huic adfero,
cum propositum mihi sit esse quam bre-
vissimo, & cum nunc temporis quoque
ratio inhibeat me finem huic dissertatione
culæ imponere.

Itaque non addo quidquam de antiqua
siderum peritia apud veteres Svecos, quam
secum manibus semper circumgestabant,
in scriptam scipionibus atque baculis; ni-
hil etiam addo, de tot migrationibus, qui-
bus in exteris terras fese, velut ē gen-
tium quadam vagina, ut loquitur Jornan-
des, effuderunt. Nihil etiam de multis
aliis monumentis atque rationibus,
quae hoc ipsum ostendunt, nimurum Sve-
oniam hanc nostram & Hyperboreas pla-
gas, antiquissimis inde temporibus,
sapientiae atque fortitudinis laude, floru-
isse, ideoque de vetustatis gloria cum
plerisque orbis habitati gentibus
iure eam certare posse.

Kling-Dikt

Til

Den Ehrborne skifflige och
uthi Bokeliga Konster wåls-
öfswade hngligen

Herr JOHAN Jäger
Minomi synnerliga Goda Wän

Niag med skaldemål Her JA-
GER Ehr berömmmer
Ar intet undra på: Th Ehr
bör Loford ges
Uppå värt Moders Språk som
nu til nöye ses
Aff Ehr then Heder fåå/ som ingen
Swänst för glömmmer:
Och hwad som Tystheeg Matt uthi
sitt Mörcker gömmer
Det Iey twifstat på nu fram i Liu-
set dra
Gast det mång trötter stund Ehr
för orsakat ha
Hvar

Hvar om här bättre wist Rättsunig
heeten dömmmer.
Ju mehr I faren fort i denna fljt
och mōda/
Ju större blir Ehet Loff och hm.
nogt mer Ehet Prijs
Ty sådant lefver wist sikt mäktar
ingen doda/
Fast Momi gifstat Land / här ått
will giöra glijs.
At Svärgeſ Folck och Land må väl
och länge grönsta
Det alla yfwerboor / medh migh må
gårna önska.

Frid: Th: Bergman.



Deo Adjuvante 4.
DISPUTATIONEM PHYSICAM

DE

ECHO

Suffragio Amplissimi ordinis Philosophici in Regia Academia Upsalensi

P R A E S I D E

Amplissimo Viro

DN. PETRO

Eloquentiae Profes. Regio & ordin.
in Auditorio Gustaviano majore
riad diem 20 Junii 1689.

Publice

a
exminandam proponit

FRIDERICUS Th: BERGMAN
Holmiensis.

Litteris Laurentii Wallii